

勅
海國記


遼海叢書

張延厚署



渤海國記自敘

渤海位青營二州間漢于其西南陸置渤海郡唐于其北陸建渤海國海旁出爲勃作渤非正文然後世沿用之渤海唐東荒大國也地方五千里置五京爲府十五爲州六十又二州各領縣數當倍蕝于州始唐武后聖曆二年己亥訖後唐明宗天成二年丁亥傳世十五六閱年二百二十有九典章制度規撫諸夏何其蔚然文也東荒諸國魑結蠻夷服土苴政教不能變其國俗自夫餘以下皆然處僻陋有大國風惟渤海耳渤海宜有史國旣覆于契丹史遂亡契丹亦自安於夷者也唐志太和中幽州判官張建章有渤海國記三卷王應麟玉海紀渤海事轉引祇一則疑其書已亡近世滿洲震鈞有渤海國志朝鮮徐相雨有渤海疆域考震氏取材隘徐氏遺遼東地各有得失焉今網羅羣籍旁及海外史爲書三篇仍名曰渤海國記以示偏方霸國多歷年所蓋亦有不拔之道云己巳夏五月崇仁黃維翰



渤海國記目錄

上篇

國統

種族

禮俗

中篇

地理

職官

人物

物產

下篇

朝貢中國

交聘日本

比鄰新羅

移國契丹

再建國

闕

遺民

雜識

年表上

年表下

渤海國記上篇

崇仁黃維翰申甫纂輯

國統

渤海者肅慎之苗裔也肅慎唐虞舊國北齊初猶與中國通後乃更

稱靺鞨

肅慎朝貢中國訖于北齊天保五年癸未靺鞨朝貢中國始

凡九

或曰肅慎靺鞨實一國音轉之訛也

滿洲源流考

靺鞨部落凡數十

據有肅慎舊疆隋唐之際復席卷那河南北地粟末在那河南最強有勝兵數千數與高麗戰爭後乃臣屬之唐高宗總章初夷高麗爲郡縣粟末內附唐有高麗粟末土地人民而不能綏靖之也閱三十年而粟末勃興據高麗故地而王號其國曰渤海唐因授之其傳國世次猶可考也

震國公舍利乞乞仲象

舊唐書無新唐書有

姓大氏本粟末靺鞨

王溥五代會要舍利官乞

乞仲象名

震鈞渤海國志舍利姓至祚榮始稱

唐滅高麗仲象內

大氏

補注寬按震鈞遜政後冠姓更名唐晏

屬徙家營州武后萬歲通天年契丹降曾松漠都督李盡忠與其妻
 兄歸誠州刺史孫萬榮陷營州殺都督趙文翽唐師北討仲象乃與
 靺鞨首領乞四比羽率高麗餘衆東走分王高麗故地武后封仲象
 爲振國公乞四比羽爲許國公俱赦其罪比羽不受命盡忠萬榮相
 繼死唐遣左玉鈴衛將軍李楷固中郎將索仇擊斬乞四比羽是時
 仲象已卒子祚榮代領其衆徙營州封振國公二事舊書繫之大祚
榮今從新書
冊府元龜及舊書分王高麗故地從五代會要李楷固東討新書
未繫年舊書繫之李盡忠死之案盡忠死于萬歲通元年之十月
孫萬榮破冀州瀛州明年三月萬榮又敗清邊道總管王孝傑十
萬衆于東峽石進陷趙州六月萬榮爲其奴所殺萬榮死時幽營
道不通楷固之兵無緣引而東且楷固契丹將也萬榮死來降狄仁
傑請赦而用之新書契丹傳久視元年左玉鈴衛將軍李楷固討契
丹破之則其擊斬乞四比羽及爲大祚榮所敗亦當在久視元年決
非萬歲通天及神功聖曆紀元時事故繫于盡忠萬榮在相繼死之後
而仍不敢繫
年志慎也
 論曰渤海以粟末部建國粟末爲靺鞨七部之一其先則肅慎也與
 高麗之出于夫餘者源異而流自別五帝子孫有降居大荒東北經

者矣羅泌路史大庭氏之後有大氏粟末倘其苗裔歟李盡忠之陷營州也乞乞仲象乞四比羽當預其謀武后赦之且爵以上公欲離其交也豪俠所居之國輒爲世輕重與夫羈旅他邦錄錄無所短長者異矣

渤海太祖高王大祚榮

太祖之稱從海圓黃義敦朝鮮歷史

驍勇善將兵頗知書契乞

四比羽旣死祚榮引殘彥遁去唐將李楷固窮追度天門嶺以迫祚

榮祚榮因高麗靺鞨之衆以拒楷固楷固大敗脫身而還時突厥驟

強數寇唐奚及契丹咸附之武后以渤海道遠未能討

五代會要聖曆中稱臣朝

貢新舊書未載故不取

上距仲象東去營州僅五歲也王之六年唐中宗復辟

遣侍御史張行岌來招慰令遣子入侍會契丹突厥寇邊使不達

冊府

元龜卷一百七十一作招慰靺鞨渤海郡王大祚榮疑是時高王已自稱渤海王也

先是唐于靺鞨地嘗置渤

海都督十四年二月唐先天二年二月也玄宗遣郎將崔訢冊王爲

渤海郡王授左驍衛員外大將軍以所統州爲忽汗州領忽汗州都

督五代會要唐中宗號渤海都曰忽汗州封渤海郡自是始去韎韐

號專稱渤海朝貢不絕是年遣王子入朝二十年卒時唐開元七年

三月丁酉也舊書玄宗紀六月丁卯唐遣左監門率上柱國吳思謙攝鴻

臚卿持節充使弔祭贈王特進賜物五百段冊府元龜案高王卒

至六月丁卯而唐遣使冊立弔祭相距四月為日九十有餘凡後王冊立于五月以前者其嗣立均疑在前一年國人諡曰

高王新書無者則注所出子武藝嗣自高王以降世襲渤海郡王

忽汗州都督皆有唐詔冊其諡則國人為之非唐命

渤海武王大武藝初封桂婁郡王既嗣位唐賜典冊襲王併所領如

其父又加左金吾衛大將軍唐會要日本史均有此官不審何年月所加冊府元龜卷九百六十七又有

九姓燕然都督一官燕然唐屬朔方郡今不取改年仁安新書渤海新君嗣位改年自武藝始

元年遣生徒六人入唐太學肄業海玉八月唐冊王嫡男大都利行為

桂婁郡王舊書九月唐遣左驍衛郎將攝郎中張越來告討奚及契丹

以背恩義也六年使弟大昌勃價朝于唐七年使嫡男大都利行朝

均留宿衛八年唐封大昌勃價襄平縣開國男遣歸國並降書勞王

賜綵練百匹

冊府元龜

是年遣寧遠將軍郎將高仁義聘於日本

日本史九

年四月大都利行卒唐以其喪來歸十年使弟大胡雅大琳相繼入

朝唐留宿衛十一年使弟大郎雅入唐賀正五月又遣使獻海豹皮

五貂鼠皮三馬瑙杯一馬三十一匹十二年兩遣使朝

冊府元龜

先是唐

置軍府于黑水靺鞨王怒黑水請唐官而不先告也使母弟大門藝

將兵擊之門藝諫不聽懼禍奔唐王請門藝于唐使歸即戮不獲乃

與唐絕語具人物篇十三年九月大將張文休浮海攻唐登州萊州

殺唐登州刺史韋俊

冊府元龜

作開元二
十一年今從新舊書

進至馬都山唐將烏承玼

室要路塹以大石亙四百里師不得進乃還

新書烏承玼傳繫其事
于武藝刺客入東都之

下無

攻登萊文韓愈烏氏廟碑渤海擾海上
爲得其實詞從新書敘次則從韓文

唐命左領軍將軍葛福順

舊書

本紀作蓋
福順今從通鑑

援登州明年又遣大門藝發幽州兵太常卿金思蘭

發新羅兵分道擊我屬山阻寒凍雪深丈餘士卒死者過半各引退

舊書未繫年
今從唐會要

十七年遣弟大蕃及李盡彥先後入朝唐主玄宗敕曰卿

于昆季之間自相忿鬩門藝窮而歸我安得不容然處之西陲爲卿
之故亦云不失頗謂得所何則卿地雖海曲常習華風至如兄友弟
悌豈待訓習骨肉情深自所不忍門藝縱有過惡亦合容其改修卿
遂請取東歸擬肆屠戮朕教天下以孝友豈復忍聞此事誠惜卿名
行豈保護逃亡卿不知國恩遂爾背德所恃者遠非能有他朕比年
含容優恤中土所未命將事亦時有卿能悔過輸誠轉禍爲福言則
似順意尙執迷請殺門藝然後歸國是何言也觀卿表狀亦有忠誠
可熟思之不容易爾今使內使往宣諭朕意一一並具口述使人李
盡彥朕亦親有處分皆所知之秋冷卿及衙門首領百姓平安好並
遣崔尋挹同往書指不多及集賢院學士張九齡之詞也張曲江集十八
年八月使大首領多蒙固朝送還沒蕃唐人又嘗請縛送突厥使者
以示忠誠唐主俱報之以書書具朝貢中國篇是年薨時唐開元二

十五年也

武王卒年舊書玄宗紀作開元二十六年渤海傳作二十年冊府元龜作二十年通鑑作二十六年八月辛巳今

從舊書

渤海傳諡武王葬西京

震鉤渤海國志光緒中有人于興京發地得乃渤海王大武藝墓磚余曾得其拓本係

陽文隸書有渤海大興某年字武王蓋葬西京也

王好用兵斥大土宇東北諸夷具臣之子

欽茂嗣

渤海文王大欽茂嗣位唐遣內侍段守簡如渤海冊王爲渤海郡王

仍嗣其父爲左驍衛大將軍

一作左金吾大將軍

忽汗州都督舊書敕曰念卿亡

父素勵誠節與善無徵奄至殂謝興言求往軫念良深卿是長男當

襲父位宜全忠孝以繼前蹤今故遣使持節冊命兼申弔祭冊命文

曰於戲王者宅中守在海外必立藩長以寧遐荒咨爾故渤海郡王

嫡子大欽茂代承緒業早聞才幹昔在爾考忠于國家爰逮爾躬當

茲負荷豈惟立嫡亦乃擇賢休問可嘉寵章宜及是用命爾爲渤海

郡王爾往欽哉永爲藩屏長保忠信效節本朝作範殊俗可不美歟

唐玄宗文集

王拜命大赦境內改年大興遣使隨唐冊命使入朝貢貂鼠

皮千張乾文魚百口

冊府元龜

事在開元二十六年閏八月

又遣使赴唐寫唐禮三國

志晉書三十六國春秋

唐會要

元二十六年六月事在開元

自是數遣諸生入唐就學

並通好新羅

朝鮮

日本入唐大使平羣廣成自登州來假道歸國王

遣若忽州

疑

都督忠武將軍胥要德雲麾將軍已珍蒙等護行且聘

焉修舊好也二年遣優福子入唐謝恩唐授王特進太子詹事

唐會要

天寶中故

日本使大伴犬養來報聘尋遣內雄等來學

日本史作三

年唐以平盧節度使領押渤海黑水兩蕃使

新書方

十八年徙都上

京直舊國三百里忽汗河之東

新書作天寶末故係於此

唐安祿山以范陽叛十

九年平盧留後徐歸道遣果毅都尉行柳城縣兼四府經略判官張

元澗來乞師王疑有姦留元澗不遣已而歸道鳩殺節度使劉正臣

于北平叛附祿山安東都護王玄志討歸道斬之唐授玄志平盧節

度使二十一年玄志遣將軍王進義來乞師且告國事始知肅宗還

西京迎太上皇于蜀因遣使朝于唐

日本史唐傳

劉正臣見新舊書

劉不悟傳正臣悟之大父也舊書不言正臣之死新書言襲范日本使

小野田守來聘二十二年遣輔國將軍木底州刺史兵署少正楊承

慶答之二十三年遣楊芳度入唐賀正並送日本使高元度于唐迎

入唐大使藤原清河歸國日本史二十五五年唐以渤海爲國冊王爲渤

海國王進檢校太尉唐會要大歷中累拜司空太尉新二十八唐

以淄青節度押新羅渤海兩蕃使新書方鎮表案平盧軍本治營

逸引兵保青州因號淄青平盧節度安史之亂平盧道不通渤海朝

貢皆道青州與新羅同故改置領蕃使凡蕃使至青州以開敕許入

京乃遣官三十五年遣青綬大夫壹萬福聘于日本三十六年閏十

一月質唐王子盜修龍袞事覺辭曰慕中華文物唐代宗矜而捨之

冊府元龜三十九年遣獻可大夫司賓少令開國男史都蒙賀日本

王登基並弔王妃之喪日本史遣使通好至此乃賀登極理不可曉日本廢

后井上內親王以先一年四十年正月獻日本舞女十一人及方物

于唐舊書四十二年正月唐德宗即位閏五月詔罷我國及新羅歲貢

鷹鷄既至者所在放之冊府元龜卷一百六十八四十九年東南徙都東京新書貞元

時朝鮮上世史貞元二年五十四年遣使大常靖朝又遣王子大貞翰入宿衛五

十七年王子大清允朝王事唐謹頻遣使朝獻或閒歲一往或歲二

三往舊書是年三月四日薨新書叙敘茂事至貞元時徙東京止舊書叙至貞元十年正月王子大清允來朝止

卒之月日俱未詳今從日本史大嵩璘遺日皇書時唐德宗貞元十年也諡曰文王王偃武

修文國境太平人民謳歌之朝鮮歷史嫡子宏臨早死族弟元義立新書

論曰渤海建國高王荒之武王疆之疑至文王欽茂始康之也先時

朝于唐者有拂涅越喜鐵利靺鞨諸稱欽茂之世無之則府州之制

立也先時朝于唐者稱首領或稱大首領欽茂之世則稱使或署官

則秩官之制立也王者之制莫大于體國經野設官分職欽茂享國

歷年多能法諸夏以新其國國人諡之曰文其以此夫

渤海王大元義舊書冊府元龜均無新書有以文王欽茂族弟繼立猜虐國人弑

之推文王之孫華璵爲王新書元義立一歲被弑朝鮮歷史渤海王統表作國人廢之不言立一歲

渤海成王大華璵

舊書冊府元龜均無新書有

文王欽茂之孫父宏臨早死既嗣

位復還都上京改年中興數月薨諡曰成王弟嵩璘嗣

新書華輿在位久暫無文

今從朝鮮歷史
渤海王統表

論曰文王喪嫡子諸孫華璵嵩璘具在元義以族弟主國何歟文王薨于甲戌歲三月唐以乙亥歲二月冊嵩璘為王嵩璘嗣立之歲即文王薨之歲乃中間有元義華璵二代華璵復徙上京又何其多故而舉贏也且嵩璘貽日皇書既稱緩告而未質言之可疑滋甚故存元義華璵之名而刊其年以俟後之君子考正焉

渤海康王大嵩璘文王欽茂孫也

嵩璘新書作嵩璘今從舊書德宗紀作嵩本傳暨

冊府元龜日本史作欽茂孫舊書作欽茂子新書作欽茂少子日既本史嵩璘啓稱文王為祖大行大王自稱孤孫文義甚明故從之既

嗣立改元正曆元年乙亥二月乙卯唐遣內常侍殷志瞻冊王為渤

海郡王左驍衛大將軍忽汗州都督

舊書德宗紀玉海引唐實錄作貞元十一年二月乙丑冊命

案乙卯在二月中旬乙丑在二月下旬新書作右驍衛大將軍遣廷諫大夫工部郎中呂定琳聘于